

Lóan Fréttabréf 2022-2023

Starfsfólk á Lóunni veturinn 2022-2023

			
Jóhanna G. Sigtryggsdóttir Deildarstjóri 100%	Sigríður Karlsdóttir Sigga Leiðbeinandi 100%	Karitas Jónsdóttir Kara Leikskólakennari 62,5 %	Helena Sjørup Eiríksdóttir Leikskólakennari 50%
			
Arna Lind Viðarsdóttir B.Ed. í leikskólafræðum 50%	Inga Bryndís Ingadóttir Afleysing 50%	Sunnefa Níelsdóttir Afleysing 80%	

Beinn sími á Lóuna er **460-6225** og GSM-númer Lóunnar er **649-6224**. Heimasíða skólans er <http://www.krogabol.karellen.is>

Í SEPTEMBER OG JANÚAR ER UNNIÐ MEÐ AGA OG REGLUR LEIKSKÓLANS.

Hópstjórar eru með yfirumsjón yfir þeim börnum sem eru með þeim í hópi og sjá um skráningu í heilsubók og foreldraviðtöl viðkomandi barna. Foreldrar geta leitað til allra kennara á deildinni með dagleg samskipti og spurningar varðandi börnin sín. Foreldrar geta alltaf fengið samtöl við hópstjóra ef þeir vilja, með samkomulagi.

Í vetur verða 14 börn á Lóunni, 6 stúlkur og 8 drengir. Þau eru fædd frá september til desember 2018 og janúar til mars 2019.

Hópaskipting

<p>Guli hópur</p> <p>Leon Viktor Mikael Þór B. Glódís Heiða Sverrir Ásberg Thelma Björk Kristian Kári Arney Elísabet Elín Línberg Mikael Þór V.</p> <p>Hópstjórar: Jóhanna/Helena</p>	<p>Blái hópur</p> <p>Þena Elísabet Elvar Kató Nikodem Marek Viktor Jirayu Karítas María</p> <p>Hópstjórar: Kara/Sigga</p>
--	--

Mánudagar - listasmiðja

Á mánudögum höfum við listasmiðju til afnota. Þar eru unnin hin ýmsu verkefni sem tengjast t.d. árstíðunum, þema annar, vettvangsferðum, þeirri dygd sem verið er að vinna með hverju sinni eða bara það sem okkur dettur í hug. Við notum alls kyns efnivið, t.d. málningu, blek og lím og þrátt fyrir að börnin fari í svuntur þá halda þær ekki alltaf. Fatnaður þarf því að vera í samræmi við það.

Þriðjudagar - hreyfing - málrækt

Hreyfing er hluti af okkar daglega lífi hér í Krógabóli. Við höfum hreyfistundir inni á deild eða úti og í salnum í Síðuskóla. Markvissar hreyfistundir eru mjög vinsælar hjá börnunum. Þar er farið í þrautabrautir, stöðvaþjálfun og æfingar fyrir heilsubókina. Einnig er farið í hreyfileiki og dansað. Í vetur förum við 2x í mánuði í þróttasalinn í Síðuskóla.

Krógaból er heilsuleikskóli og í nóvember og mars er heilsubókarvika, þá gera börnin æfingar eftir stöðluðum hreyfiæfingum og er það skráð í heilsubók barnsins.

Markmiðið með málrækt á Krógabóli er að gefa börnum tækifæri á að kynnast tungumálinu og möguleikum þess. Í daglegu starfi er alltaf verið að vinna með málið á ýmsa vegu. Lögð er áhersla á að börn fái tækifæri til að nota málið á fjölbreytilegan hátt í starfinu, m.a. með því að læra þulur og vísur, syngja og segja frá.

Við vinnum mikið með hljóðkerfisvitund en hún hefur forspárgildi varðandi hvernig barni gengur að læra að lesa. Við kennum börnunum að hlusta með því að lesa fyrir þau og fara í athyglisleiki. Byrjað er að vinna markvisst með takt og rím með tveggja ára börnum, höldum áfram og bætum við flóknara rími og leik með málið hjá þriggja og fjögurra ára. Einnig lögð áhersla á að kenna börnunum að ritað mál og tákn hafi merkingu.

Miðvikudagur - hópastarf

Í hópastarfinu ætlum við að vinna markvisst að því að börnin tengist vel í hópnum og að þau geti tekið tillit til félaga sinna í leik og verkefnavinnu. Námsvið leikskólans fléttast inn í allt starfið en þau eru: læsi, sjálfbærni, lýðræði og mannréttindi, jafnrétti, sköpun, heilbrigði og velferð. Í hópastarfi vinnum við með stafi, tölustafi, lífsleikni, námsviðin, förum í hreyfistundir, listasmiðju og vettvangsferðir, ásamt því að vinna með þema sem kennarinn leggur fyrir eða börnin hafa áhuga á. Á föstudögum er svo meiri blöndun og útivera.

Í vetur vinnum við með þrjár dygðir;

[Kurteisi / samkennd](#) (1. okt.-31. des.) og

[Glaðværð](#) (1. feb.-30. apríl). Allt okkar starf litast af þessum dygðum, s.s. í samveru, listsköpun og hreyfingu.

Fimmtudagur - Vettvangsferðir

Við munum fara að minnsta kosti einu sinni í viku í vettvangsferðir um nágrenni leikskólans. Í þessum ferðum fer fram mikið nám og hreyfing (því þarf að passa upp á að börnin hafi fatnað og skó við hæfi). Markmið ferðanna er að byggja upp þol og þrek barnanna og að vekja athygli þeirra á umhverfinu, húsum, bílum, náttúrunni, litum o.s. frv. Í þessum ferðum er einnig verið að æfa að ganga í röð, fara eftir fyrirmælum og virða umhverfið og náttúruna.

Föstudagur - frjáls leikur

Á föstudögum verður frjáls leikur í hávegum hafður og á þessum dögum erum við oft með uppákomur og opnum milli deilda. Þegar börnin leika sér í frjálsum leik velja þau ákveðin svæði og leikefni og dvelja þar um stund. Tímavakinn (klukkan) er stilltur og þau dvelja á svæðinu þar til tíminn er búinn. Stundum vilja þau halda áfram en annars mega þau velja annað leikefni eða fara á nýtt svæði. Tímavakann notum við til að kenna þeim að vera lengur á sama svæði, að þau vaði ekki úr einu í annað. Einbeiting þeirra eykst jafnt og þétt og leikirnir þróast.

Lubbi

Við vinnum með bókina „Lubbi finnur málbein“ en það er námsefni sem inniheldur bókina um Lubba, hljómdisk og mynddisk. Lubbi er íslenskur fjárhundur og hann langar að læra að tala en þá vandast málið því þá þarf hann að læra öll íslensku máhljóðin. Börnin þurfa því að hjálpa Lubba að læra íslensku máhljóðin með söng og ýmsum öðrum æfingum. Þarna fer fram hljóðanám í þrívídd; sjón, heyrn og hreyfi/snertiskyn er notað og fer það þannig fram að börnin gera táknið fyrir máhljóðin og hljóða máhljóðin.

Veikindi

Leikskólinn er ætlaður heilbrigðum börnum. Það eru 5-7 börn á hvern starfsmann og býður stundarskráin ekki upp á að hægt sé að taka einn starfsmann út úr starfinu til að vera inni með eitt barn. Í undantekningartilvikum getur barn fengið að vera inni í einn dag eftir langvarandi veikindi. Barnið verður að vera búið að vera heima hitalaust í einn til tvo daga áður en það kemur aftur í leikskólann.

Barn á ekki að koma í leikskólann ef:

- **Barnið er með hita.**
- **Barnið er með kvef, hósta og að minnsta kosti eitt af eftirtöldum einkennum til viðbótar: slappleika, höfuðverk, beinverki, þreytu, kviðverki og/eða niðurgang.**
- **Barn skal sótt í leikskólann ef heilsufar þess breytist; barnið fær hita yfir 38°C og flensulík einkenni.**

Afmæli

Á afmælisdegi barnsins eða þann dag sem haldið er upp á afmæli þess í leikskólanum fær barnið að vera borðstjóri. Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmælisdaginn.

Afmælisboðskort í hólf barnanna eru ekki leyfileg þar sem skapast geta óþarfa leiðindi ef eitt barn fær boðskort en annað ekki, fáíð frekar heimilisföng/símanúmer barnanna hjá okkur og gerið skemmtilega ferð úr því að dreifa þeim í heimahús.

Leikföng og matur

Að gefnu tilefni:

- **Leikföng að heiman eru ekki leyfileg í leikskólanum.**
- **Stranglega er bannað að koma með mat í leikskólann þar sem nokkur börn í leikskólanum eru með bráðaofnæmi.** (Það er freistandi að fá að smakka eitthvað góðgæti sem vinirnir hafa ef til vill í poka eða ofan í tösku). Við gerum þó undantekningu á þessu þegar það er nestisdagur.

Foreldrasamtöl

Foreldrasamtöl verða í vor, á tímabilinu apríl til maí, þar sem farið verður yfir heilsubók barnsins, þroska og líðan þess í leikskólanum. Ef óskað er eftir fleiri samtölum þá er sjálfsagt að veita þau, hafið samband við deildarstjóra.

Kaffidagar

Á skóladagatali okkar er fyrirhugað að hafa aðventukaffi í desember. Nánari upplýsingar síðar.

Vistunartími

Leikskólinn er opinn frá 7:45-16:15.

Foreldrar virði vistunartíma barna sinna.

Barnið á að vera farið úr leikskólanum þegar vistunartíma þess líkur.

Sem dæmi ef barn er með vistunartíma til kl. 14:00 eða 16:15 þá á það að vera farið út úr leikskólanum á þeim tíma og ef barn er með tímann kl. 8:00 þá má það ekki koma fyrir þann tíma. Við viljum benda á þetta þar sem fjöldi starfsmanna fer eftir því hversu mörg börn eru á deildinni á hverjum klukkutíma. Ef eitthvað óvænt kemur upp á þá vinsamlegast hringið og látið okkur vita.

Fataherbergi

Hvert barn fær kassa sem er í hillu í fataherbergi en hann er ætlaður undir auka úitfatnað.

Í hólfinu fyrir neðan hilluna á að geyma auka útiföt: Húfu, tvö pör af vettlingum, pollavettlinga, hlýja útiþeytu og utanyfirbuxur.

Fatnaður sem á að hanga er: Útiföt eftir veðri, úlpa, snjófatnaður, pollaföt.

Auka innifatnaður er í körfum inni á baðherbergi.

Skór og stígvél fara upp á skógrind fyrir neðan hólfin.

Allt úr hólfum á að fara heim á föstudögum.

Mikilvægast af öllu er taupokinn: Hann er ætlaður til að flytja fatnað milli heimilis og skóla og undir blaut og skítug föt eftir daginn.

Einnig viljum við brýna fyrir foreldrum að merkja öll föt, skó og stígvél.

Bílaplan

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í bifreiðastæði sem ætlað er fyrir fatlaða og auðkennt er með þar til gerðu umferðarmerki. Í leikskólanum eru börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið í leikskólanum foreldrar sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig viljum við minna foreldra á að drepa á bílnum þegar þeir koma með eða sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

Mikilvægt:

- keyra inn á bílaplanið um efri innkeyrslu
- keyra út af bílaplaninu um neðri útkeyrslu
- loka og læsa leikskólahliðinu þegar þið gangið um það
- gæta þess að ekkert barn fari út um hliðið nema ykkar eigið
- að börnum sé EKKI leyft að opna og loka hliðinu

Vinsamlegast upplýsið ættingja og vini sem eru að sækja eða koma með börnin ykkar í leikskólann um þessar reglur.

Karellen

Við notum leikskólakerfið Karellen til að halda utan um alla mætingu nemenda. Í Karellen er einnig boðið upp á skráningu á svefntíma og matartíma barnanna auk þess sem myndir af börnunum eru settar inn á þeirra svæði. Foreldrar geta á einfaldan hátt sent skilaboð til deildar barnsins með upplýsingum um t.d. veikindi, hver nær í barnið o.s.frv. Á sama hátt geta kennarar sent skilaboð til hópa eða einstaka forráðamanna innan kerfisins.

[Vinsamlegast látið vita fyrir kl. 9 á morgnana ef barnið mætir ekki í leikskólann.](#)

Þeir foreldrar sem ekki hafa skráð sig inn í kerfið gera það með því að fara inn á my.karellen.is og velja síðan nýskráningu, þar eru mjög góðar skýringar á allri notkun á kerfinu. Karellen er einnig til sem app og mælum við með að þið náðið í það í símana ykkar eftir að þið hafið virkjað aðganginn á vefsíðunni.

Dagatal

Mánaðarlega útbúum við dagatal fyrir deildina þar sem sjá má hvað ber hæst í hverjum mánuði. Dagatalið er sett inn á heimasíðu leikskólans og þar er hægt að prenta það út, hvetjum við alla til að gera það. Börnin hafa mjög gaman af að fylgjast með hvað bíður þeirra næsta dag eða í mánuðinum. Við hvetjum ykkur einnig til að skoða heimasíðuna krogabol.karellen.is reglulega, þar eru ýmsar upplýsingar varðandi leikskólann.

**Kær kveðja frá kennurum Lóunnar með von um gott og ánægjulegt samstarf í vetur.
Jóhanna, Sigga, Kara, Helena, Arna, Sunnefa og Inga Bryndís**